



SLUŽBENI GLASNIK OPĆINE KALESIJA

Godina: XLII

Ponedjeljak, 11.06.2007. godine
K A L E S I J A

Broj: 5

OPĆINSKO VIJEĆE

44

Na osnovu člana 35. Zakona o principima lokalne samouprave ("Sl. novine FBiH", broj 49/06) i člana 41. Statuta Općine Kalesija ("Sl. glasnik općine Kalesija", broj 7/03), Općinsko vijeće Kalesija na sjednici održanoj dana 08.06.2007. godine, d o n o s i

ODLUKU

o dodjeli prostora na korištenje

Član 1.

Ovom Odlukom se utvrđuju uslovi i način dodjele na korištenje poslovnog prostora u zgradi "Zvorničanka" u prizemlju, ulica Kalesijskih brigada b.b. Kalesija Centar, površine 42,70 m², period trajanja korištenja i nadležnost za potpisivanje ugovora o korištenju.

Član 2.

Poslovni prostor iz člana 1. ove Odluke dodjeljuje se na korištenje Udruženju građana "Osmijeh nade" iz Kalesije bez naknade.

Član 3.

Prostor iz člana 1. Odluke se dodjeljuje na period od 3 godine uz mogućnost ranijeg prestanka korištenja u slučaju da udruženje iz člana 2. Odluke riješi pitanje smještaja na drugi način.

Član 4.

Nakon stupanja na snagu ove Odluke, Općinski načelnik će potpisati ugovor sa korisnikom gdje će biti preciznije regulisani ostali uslovi korištenja.

Član 5.

Ovom Odlukom se privremeno obustavlja izvršenje odredaba člana 1. stav 1. te članova 2, 3, 4 i 5. Odluke o uslovima i načinu davanja u zakup poslovnog prostora Općinskog vijeća Kalesija broj 01-05-2-2913 od 10.10.2006. godine, na period do 3 godine.

Član 6.

Ova Odluka stupa na snagu danom objavljivanja u "Službenom glasniku Općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1564
Datum, 11.06.2007. godine

Hata Mujčinović, dipl. ing. tehn. s.r.

45

Na osnovu člana 29. stav 1. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća većih razmjera («Službene novine Federacije Bosne i Hercegovine», broj 39/03 i 22/06) i člana 41. Statuta općine Kalesija (»Službeni glasnik općine Kalesija«, broj 7/03 i 12/05), Općinsko vijeće Kalesija na svojoj sjednici održanoj 08.06.2007. godine, d o n o s i

ODLUKU

o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća većih razmjera na području općine Kalesija

I – OSNOVNE ODREDBE

Član 1.

Ovom Odlukom se osigurava jedinstvena organizacija i funkcionisanje zaštite i spašavanja ljudi i materijalnih dobara od prirodnih i drugih nesreća većih razmjera općine Kalesija s ciljem sprečavanja opasnosti, smanjenja broja nesreća i žrtava te otklanjanja i ublažavanja štetnih djelovanja i posljedica prirodnih i drugih nesreća.

Član 2.

Organizovanje i funkcionisanje zaštite i spašavanja na području Općine se vrši na način i postupak utvrđen Zakonom o zaštiti i spašavanju ljudi i materijalnih dobara od prirodnih i drugih

nesreća većih razmjera («Službene novine Federacije Bosne i Hercegovine», broj 39/03 i 22/06), propisima Kantona koji uređuju oblast zaštite i spašavanja i ovom Odlukom.

Član 3.

Poslovi zaštite i spašavanja ljudi i materijalnih dobara od prirodnih i drugih nesreća su od općeg interesa za općinu Kalesija.

II – ORGANIZOVANJE ZAŠTITE I SPAŠAVANJA

Član 4.

Težište zaštite i spašavanja ljudi i materijalnih dobara od prirodnih i drugih nesreća, prema ovoj Odluci, ostvaruje se organizovanjem i preduzimanjem sljedećih mjera i aktivnosti:

- a) otkrivanje, praćenje i sprečavanje opasnosti od prirodnih i drugih nesreća;
- b) osmatranje i uzbunjivanje o opasnostima i davanje uputstava za zaštitu i spašavanje;
- c) obučavanje i osposobljavanje za zaštitu i spašavanje;
- d) organizovanje, opremanje, obučavanje i osposobljavanje civilne zaštite i uspostavljanje i održavanje drugih vidova zaštite i spašavanja;
- e) mobilizacija i aktiviranje snaga i sredstava za zaštitu i spašavanje;
- f) otklanjanje posljedica prirodnih i drugih nesreća do osiguranja osnovnih uslova za život;
- g) traženje pomoći iz zemlje i inostranstva za otklanjanje posljedica prirodnih i drugih nesreća.

1. Privredna društva i druga pravna lica

Član 5.

Privredna društva i druga pravna lica (u daljem tekstu: pravna lica) koja obavljaju djelatnosti iz oblasti: zdravstva, veterinarstva, stambenih i komunalnih poslova, vodoprivrede, poljoprivrede, građevinarstva, transporta, opskrbe, ugostiteljstva i vatrogastva u kojima se obavljaju djelatnosti od značaja za zaštitu i spašavanje ljudi i materijalnih dobara od prirodnih i drugih nesreća su dužna organizovati i provoditi poslove zaštite i spašavanja u skladu sa Zakonom o zaštiti i spašavanju, drugim propisima i ovom Odlukom.

U toku vođenja akcija zaštite i spašavanja ljudi i materijalnih dobara od prirodnih i drugih nesreća, pravna lica iz stava 1. ovog člana su dužna provoditi odluke Općinskog štaba civilne zaštite.

Član 6.

U izvršavanju poslova iz člana 5. pravna lica provode odgovarajuće pripreme, donose i razrađuju planove zaštite i spašavanja za svoje

djelovanje u zaštiti i spašavanju, planiraju i osiguravaju materijalno-tehnička sredstva za provođenje mjera zaštite i spašavanja i organiziraju jedinice i povjerenike civilne zaštite, opremaju te jedinice i povjerenike potrebnom opremom i sredstvima i osposobljavaju ih za njihovo učešće u zaštiti i spašavanju.

Član 7.

Pravna lica, vlasnici i korisnici telekomunikacijskih i informacijskih sistema i veza su dužni dati prioritet u korištenju tih sistema i veza Operativnom centru i Općinskom štabu civilne zaštite kada rukovode akcijama zaštite i spašavanja.

2. Općinsko vijeće

Član 8.

U ostvarivanju prava i dužnosti u oblasti zaštite i spašavanja, Općinsko vijeće:

- a) donosi Odluku o organiziranju i funkcioniranju zaštite i spašavanja Općine i osigurava njeno provođenje;
- b) donosi Program zaštite i spašavanja od prirodnih i drugih nesreća Općine;
- c) planira i utvrđuje izvore finansiranja za izvršavanje poslova zaštite i spašavanja iz nadležnosti Općine;
- d) donosi akte o osnivanju Općinskog štaba civilne zaštite;
- e) usvaja Procjenu ugroženosti područja Općine od prirodnih i drugih nesreća;
- f) razmatra stanje zaštite i spašavanja na području Općine i utvrđuje mjere za razvoj i usavršavanje zaštite i spašavanja od prirodnih i drugih nesreća.

3. Općinski načelnik

Član 9.

U ostvarivanju prava i dužnosti u oblasti zaštite i spašavanja, Općinski načelnik:

- a) organizuje Operativni centar u Općini u skladu sa Zakonom i osigurava njeno provođenje;
- b) donosi akte o postavljenju komandanta i načelnika štaba i određivanju funkcija u općinskim službama za upravu čiji su nosioci po položaju članovi Općinskog štaba civilne zaštite;
- c) donosi akte o postavljenju komandanta i načelnika štaba i članova štaba u štabovima civilne zaštite koji se obrazuju u mjesnim područjima u skladu sa ovom Odlukom;
- d) donosi Plan zaštite i spašavanja od prirodnih i drugih nesreća Općine;
- e) proglašava stanje prirodne i druge nesreće i naređuje upotrebu snaga i sredstava civilne zaštite, službi za upravu, privrednih društava i drugih pravnih lica sa područja Općine na prevenciji, ublažavanju i otklanjanju štetnih

posljedica od prirodnih i drugih nesreća po ljude i materijalna dobra na području Općine;

f) proglašava prestanak prirodne i druge nesreće na području Općine;

g) naređuje mobilizaciju građana i njihovih sredstava i sredstava pravnih lica, samostalnih privrednika, državnih organa kao i jedinica, štabova, povjerenika i službi za zaštitu i spašavanje.

4. Organi uprave

Član 10.

Općinski organi uprave u okviru svojih prava i dužnosti utvrđenih Zakonom, Statutom Općine i drugim propisima, u oblasti zaštite i spašavanja ljudi i materijalnih dobara od prirodnih i drugih nesreća, izvršavaju i obezbjeđuju izvršavanje Zakona, drugih propisa i općih akata, staraju se o organizovanju i sprovođenju mjera zaštite u oblasti za koju su osnovani i odgovorni su za stanje te zaštite, prate stanje zaštite i predlažu mjere za razvoj i unapređenje zaštite, vrše nadzor nad sprovođenjem Zakona, planova zaštite i sprovođenje preventivnih mjera zaštite u pravnim licima i druge poslove koji su im Zakonom i drugim propisima stavljeni u nadležnost.

Organi uprave su dužni da zadatke iz stava 1. ovog člana razrađuju u svojim planovima rada.

5. Prava i dužnosti mjesnih zajednica

Član 11.

Mjesna zajednica, u okviru svojih prava i dužnosti u organizovanju i ostvarivanju zaštite i spašavanja od prirodnih i drugih nesreća naročito:

- a) organizuje i osposobljava građane za sprovođenje zadataka i mjera zaštite;
- b) planira i organizuje mjere zaštite;
- c) planira, organizuje radne jedinice od svih građana i provodi njihovu mobilizaciju radi učešća u zaštiti;
- d) organizuje i obezbjeđuje prihvat i zbrinjavanje evakuisanih građana i materijalnih dobara;
- e) organizuje i održava red za vrijeme prirodne i druge nesreće;
- f) obezbjeđuje informisanje građana o opasnostima od prirodnih i drugih nesreća, posljedicama i mjerama koje se preduzimaju na zaštiti i otklanjanju posljedica;

U organizovanju, planiranju i ostvarivanju zaštite i spašavanja mjesna zajednica saraduje sa Štabom civilne zaštite mjesnog područja i preduzećima na području Mjesne zajednice u pitanjima od zajedničkog interesa i u tom pogledu mogu udruživati snage i sredstva za zaštitu od

prirodnih i drugih nepogoda na području Mjesne zajednice.

Član 12.

Mjesna zajednica u statutu ili drugom opštem aktu uređuje način organizovanja i ostvarivanja zaštite od prirodnih i drugih nepogoda na području Mjesne zajednice, utvrđuje nadležnost organa Mjesne zajednice, kao i način angažovanja građana u zaštiti i spašavanju.

6. Štabovi civilne zaštite

Član 13.

Za rukovođenje akcijama zaštite i spašavanja na teritoriji općine Kalesija te za obavljanje drugih poslova u zaštiti i spašavanju ljudi i materijalnih dobara od prirodnih i drugih nesreća većih razmjera obrazuje se Općinski štab Civilne zaštite općine Kalesija i štabovi Civilne zaštite u mjesnim područjima.

Član 14.

Pored poslova iz člana 108. Zakona o zaštiti i spašavanju ljudi i materijalnih dobara od prirodnih i drugih nesreća («Sl. novine FBiH» broj 39/03, 22/06) (u daljem tekstu: Zakon o zaštiti i spašavanju), Općinski štab civilne zaštite vrši i sljedeće poslove:

1. naređuje štabovima civilne zaštite mjesnih područja, službama zaštite i spašavanja, povjerenicima, koje formira Općina, preduzimanje mjera i aktivnosti na zaštiti i spašavanju;
2. naređuje angažiranje snaga i sredstava civilne zaštite s jednog mjesnog područja na ugroženo drugo mjesno područje na području Općine,
3. odlučuje o privremenom smještaju ugroženih ljudi i materijalnih dobara;

Član 15.

Za potrebe dvije i više mjesnih zajednica obrazuju se štabovi civilne zaštite u mjesnim zajednicama i to:

1. za područje mjesnih zajednica: Tojšići, Kikači, Hrasno, Seljublje, Vukovije D., Vukovije G. i Jeginov Lug jedan štab civilne zaštite pod nazivom Štab civilne zaštite Tojšići;
2. za područje mjesnih zajednica: Zates, Rainci Donji, Rainci Gornji i Miljanovci jedan štab civilne zaštite pod nazivom Štab civilne zaštite Rainci Gornji;
3. Za područje mjesnih zajednica: Dubnica, Prnjavor, Zelina, Gojčin, Kalesija Gornja, i Kalesija Centar jedan štab pod nazivom Štab civilne zaštite Kalesija;

4. za područje mjesnih zajednica: Bulatovci, Jajići, Brda i Memići jedan štab pod nazivom Štab civilne zaštite Memići.

Član 16.

U rukovođenju akcijama zaštite i spašavanja Štab civilne zaštite u mjesnom području vrši sljedeće poslove:

1) Naređuju provođenje odgovarajućih mjera zaštite i spašavanja i određuju snage i sredstva koje će provoditi te mjere;

2) Usmjeravaju, koordiniraju i rukovode akcijama zaštite i spašavanja svih učesnika angažiranih na zaštiti i spašavanju na svome području;

3) Rješavaju sva pitanja koja se u toku provođenja aktivnosti na zaštiti i spašavanju pojave u vezi sa angažiranjem snaga i sredstava civilne zaštite i provođenja mjera zaštite i spašavanja i samozaštite građana,

4) Izrađuje i ažurira planska dokumenta iz oblasti zaštite i spašavanja.

Član 17.

Štabovi civilne zaštite u mjesnim područjima sastoje se od: komandanta, načelnika i članova štaba.

Komandanta, načelnika i članove štaba iz stava 1. postavlja i razrješava Općinski načelnik na prijedlog općinske Službe civilne zaštite.

Član 18.

Ličnu i materijalnu formaciju štabova Civilne zaštite iz predhodnog člana, svojom Odlukom utvrđuje Općinski načelnik na prijedlog Općinske službe Civilne zaštite.

Član 19.

Za članove štaba Civilne zaštite u mjesnom području obavezno se imenuje po jedan član iz svake mjesne zajednice (po mogućnosti povjerenik ili zamjenik povjereništva Mjesne zajednice) kao i šef mjesnog ureda koji se nalazi na tom području.

7. Jedinice civilne zaštite

Član 20.

Jedinice Civilne zaštite na području Općine se formiraju kao jedinice opće i specijalizovane namjene.

Član 21.

Jedinice opće namjene se formiraju na načelima teritorijalne popune kao timovi, odjeljenja i vodovi.

Timovi, odjeljenja i vodovi se organizuju, opremaju i obučavaju za izvršavanje zadataka na području gdje su osnovani.

Jedinice opće namjene jačine voda se mogu upotrijebiti kao ispomoć i van područja gdje su osnovani, o čemu odlučuje nadležni štab civilne zaštite.

Član 22.

Jedinice opće namjene kao timovi i odjeljenja formiraju se u stambenim zgradama, naselju ili dijelu naselja u skladu sa vlastitim potrebama, a za mjesno područje se može formirati jedinica jačine voda.

Jedinice opće namjene iz stava 1. ovog člana formiraju štabovi civilne zaštite mjesnih područja uz predhodno pribavljenu saglasnost Službe civilne zaštite Općine.

Član 23.

Jedinice opće namjene jačine voda se formira pri Općinskom štabu civilne zaštite za potrebe Općine.

Jedinice iz stava 1. ovog člana u Općini formira Općinski načelnik na prijedlog Općinske službe civilne zaštite.

Član 24.

Specijalizovane jedinice formiraju se:

- a) zaštitu od požara jačine odelenja;
- b) zaštitu od NUS-a – jačine odjeljenja;
- c) za RHB zaštitu – jačine odelenja;
- d) za zaštitu bilja i biljnih proizvoda;
- e) jedinica za spašavanje iz ruševina;
- f) mješovita specijalizovana jedinica za hitne intervencije.

Član 25.

Općinski načelnik, na prijedlog Općinske službe civilne zaštite, organizuje specijalizovane jedinice civilne zaštite Općine koje obavljaju složnije poslove zaštite i spašavanja na cijelom području Općine kada snage i sredstva pravnih lica i službe zaštite i spašavanja, te jedinice civilne zaštite opće namjene nisu dovoljne za ostvarivanje efikasne zaštite i spašavanja na području Općine.

Član 26.

Prema ukazanoj potrebi, na zahtjev nadležnih organa, jedinice iz člana 13. i 14. se mogu angažovati na pružanju pomoći van područja Općine.

Član 27.

Općinski načelnik će, na prijedlog Općinske službe civilne zaštite, svojim propisom regulisati lične i materijalne formacije jedinica opće i specijalizovane namjene.

8. Službe zaštite i spašavanja

Član 28.

Općinski načelnik na prijedlog općinske Službe civilne zaštite odredio je pravna lica i javne ustanove kod kojih su formirane Službe zaštite i spašavanja koje će djelovati na području Općine:

1. Služba medicinske pomoći u JZU Dom zdravlja Kalesija;
2. Služba za zaštitu i spašavanje životinja i namirnica životinjskog porijekla u JU Veterinarska Stanica Kalesija;
3. Služba za vodosnabdijevanje u JU Vodovod i kanalizacija Kalesija;
4. Služba za čistoću u DD «Komunalac» Kalesija.

Član 29.

U slučaju kada ne postoje uslovi za organiziranje Službi zaštite i spašavanja u skladu sa članom 122. Zakona o zaštiti, Općinski načelnik, na prijedlog općinske Službe civilne zaštite, može, u skladu sa procjenom ugroženosti, formirati samostalne službe zaštite i spašavanja koje će djelovati na području Općine.

9. Lična i uzajamna zaštita

Član 30.

Svi radno sposobni građani Općine, od 18 do 60 godina života /muškarci/, odnosno od 18 do 55 godina života (žene), su dužni da se pripremaju za učešće i da učestvuju u zaštiti i spašavanju.

Član 31.

Propisane mjere i postupci preventivne zaštite i druge hitne intervencije u zaštiti i spašavanju ljudi i materijalnih dobara, u okviru lične i uzajamne zaštite, građani provode svakodnevno s ciljem sprečavanja nastanka i širenja prirodne ili druge nesreće većih razmjera.

10. Povjerenici civilne zaštite

Član 32.

Povjerenici civilne zaštite (u daljem tekstu:povjerenik) se određuju:

- a) u stambenim zgradama do dva ulaza, spratnosti P + 2 i više – jedan povjerenik,
- b) u stambenim zgradama preko dva ulaza, spratnost P + 2 i više – jedan povjerenik i jedan zamjenik povjerenika,
- c) u svim Mjesnim zajednicama na području općine Kalesija imenovati po jednog povjerenika civilne zaštite iz sastava povjereništva koji će svoju funkciju obavljati putem tog povjereništva.

Član 33.

Planom zaštite i spašavanja od prirodnih i drugih nesreća Općine se vrši određivanje broja

povjerenika u stambenim zgradama i naseljima, razrada njihovih poslova i zadataka u miru, za vrijeme prirodnih nepogoda i drugih nesreća, neposrednoj ratnoj opasnosti i ratu.

11. Mjere zaštite i spašavanja

Član 34.

Mjere i postupci zaštite i spašavanja se utvrđuju planovima zaštite i spašavanja od prirodnih i drugih nesreća.

Član 35.

Planovi zaštite i spašavanja mjesnih područja moraju biti usklađeni s planom zaštite Općine.

Planovi se usklađuju samo u pitanjima u kojima se određuju zadaci za određene nosioce civilne zaštite.

III – FINANSIRANJE

Član 36.

1. Finansiranje zaštite i spašavanja

Finansiranje civilne zaštite obavlja se u skladu sa članom 179. i 180. Zakona o zaštiti i spašavanju ljudi i materijalnih dobara od prirodnih i drugih nesreća i to iz:

1. Budžeta Općine,
2. Sredstava pravnih lica,
3. Dobrovoljnih priloga i
4. Drugih izvora utvrđenih Zakonom o zaštiti i spašavanju ljudi i materijalnih dobara od prirodnih i drugih nesreća.

IV – FUNKCIONISANJE ZAŠTITE I SPAŠAVANJA

Član 37.

Kada Općinski načelnik proglasi da je na određenom području Općine, ili na cijelom području Općine nastala prirodna ili druga nesreća, aktiviraju se štabovi civilne zaštite na tom području radi rukovođenja akcijama zaštite i spašavanja.

Član 38.

Tokom provođenja akcije zaštite i spašavanja štabovi civilne zaštite mjesnih područja i štabovi civilne zaštite u pravnim licima, ukoliko se osnuju, dužni su provoditi odluke i naredbe Općinskog štaba civilne zaštite.

Član 39.

Jedinice civilne zaštite koje su formirane po naseljima i mjesnim područjima se upotrebljavaju na zadacima zaštite i spašavanja na području naselja i mjesnog područja gdje su formirani, s tim da se te jedinice mogu upotrijebiti i na drugom mjesnom području, odnosno van područja

Općine, o čemu odlučuje Općinski štab civilne zaštite.

Član 40.

Općinski načelnik je dužan da odmah po saznanju da prijete neposredna opasnost od prirodne nepogode ili je nastala prirodna i druge nepogode, samoinicijativno ili na prijedlog Službe civilne zaštite odlukom utvrdi nastanak prirodne nepogode.

Odlukom iz predhodnog stava se utvrđuje vrsta prirodne nepogode, vrijeme nastanka i područje koje je zahvaćeno prirodnom nepogodom.

Član 41.

Naredba o mobilizaciji i upotrebi snaga i sredstava sadrži: vrsta i jačinu snaga i sredstava koja se mobilizuju, područje na kojem će se angažovati, mjere za smještaj, ishranu i obezbjeđenje drugih potreba angažovanih snaga i sredstava.

V – NADZOR

Član 42.

Nadzor nad provođenjem odredaba ove Odluke će vršiti nadležni federalni i kantonalni inspektor Civilne zaštite i Općinska služba Civilne zaštite Kalesija.

VI – PRELAZNE I ZAVRŠNE ODREDBE

Član 43.

Ovlašćuje se Općinski načelnik da svojim posebnim Odlukama precizira i reguliše pitanja iz ove oblasti koja ovom Odlukom nisu obuhvaćena.

Član 44.

Popuna štabova, jedinica, službi i povjerenika iz ove Odluke vrši se obveznicima Civilne zaštite u skladu sa Zakonom.

Član 45.

Danom stupanja na snagu ove Odluke prestaje da važi:

- Odluka o utvrđivanju broja i jačine Štabova i jedinica civilne zaštite na području općine Kalesija broj: 02-44-1019/05. od 08.03.2005. godine,
- Odluka o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća većih razmjera broj: 01-05-2-673. od 14.03.2006. godine.
- Odluka o naknadama za finansiranje protivpožarne zaštite na području općine Kalesija broj: 01-05-2-672 od 14.03.2006. godine.

Član 46.

Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1565

Hata Mujčinović, dipl. ing. tehn. s.r.

Datum, 11.06.2007. godine

46

Na osnovu člana 26. stav 3. Zakona o principima lokalne samouprave u Federaciji Bosne i Hercegovine („Sl. novine F BiH“, broj 49/06) člana 41. a u vezi sa članom 104. Statuta općine Kalesija („Sl. glasnik općine Kalesija“, br. 7/03 i 12/05), Općinsko vijeće Kalesija na sjednici održanoj dana 08.06.2007. godine, d o n o s i

ODLUKU

I

Ovom Odlukom Općinsko vijeće Kalesija, na osnovu prihvaćene inicijative naseljenog mjesta Jeginov Lug za izdvajanje iz sastava Mjesne zajednice Tojšići i osnivanje zasebne mjesne zajednice, utvrđuje datum održavanja referenduma, organe koji će isti provesti na način obezbjeđenja potrebnih sredstava.

II

Referendum, na kome će se građani naseljenog mjesta Jeginov Lug, izjasniti o inicijativi iz tačke I ove Odluke će se održati dana 30.06.2007. godine.

III

Referendumsko pitanje, kao i ostala pitanja u vezi procedure po kojim će se referendum provesti, utvrdiće posebna komisija koju će imenovati Općinski načelnik, a ista će po provedenom referendumu sačiniti izvještaj sa prijedlogom odluke, koja će u skladu sa rezultatima referenduma, biti podnesena Općinskom vijeću na usvajanje.

IV

Potrebna sredstva za provođenje referenduma će biti obezbijedena putem budžeta općine Kalesija, sa pozicije budžetske rezerve.

V

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-1565

Hata Mujčinović, dipl. ing. tehn. s.r.

Datum, 11.06.2007. godine

47

Na osnovu člana 41. Statuta općine Kalesija ("Sl. glasnik općine Kalesija", broj 7/03 i 12/05), člana 99. stav 1. Poslovnika o radu Općinskog vijeća Kalesija ("Sl. glasnik općine Kalesija", broj 5/06 i 8/06), Općinsko vijeće Kalesija, na sjednici održanoj 08.06.2007. godine, d o n o s i

ODLUKU

o izmjenama i dopunama Poslovnika o radu
Općinskog vijeća Kalesija

Član 1.

Ovom Odlukom vrše se izmjene i dopune Poslovnika o radu Općinskog vijeća Kalesija ("Sl. glasnik općine Kalesija", broj 5/06 i 8/06) i to:

- u članu 51. stav 1. alineja 1. iza riječi: "načelnika", dodaju se riječi: "i rukovodećih državnih službenika", iza riječi: "predsjedavajućeg Vijeća", dodaju se riječi: "zamjenika predsjedavajućeg Vijeća, sekretara Vijeća, Općinskog pravobranioca",
- u članu 52. stav 4. briše se,
- u članu 64. stav 1. umjesto riječi: "najmanje", da stoji: "u pravilu",
- u članu 123. dodaje se novi stav 3a. koji glasi:
"Ako poslednji dan za podnošenje amandmana pada u neradni dan, Stručna služba OV će obezbijediti uslove da vijećnici mogu podnijeti amandmane i taj dan",
- u članu 150. stav 2. iza riječi: "OV", stavlja se zarez i dodaju se riječi: "drugih komisija i tijela koje formira OV,
- u članu 174. riječi: "član OV", brišu se.

Član 2.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1566
Datum, 11.06.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn.. s.r.

OPĆINSKI NAČELNIK

48

Na osnovu člana 7. Zakona o javnim nabavkama Bosne i Hercegovine ("Sl. glasnik BiH", br. 49/04 i 19/05) i člana 56. Statuta općine Kalesija ("Sl. glasnik općine Kalesija", br. 7/03 i 12/05), Općinski načelnik Kalesija, dana 23.04.2007. godine, d o n o s i

RJEŠENJE

o razrješenju i imenovanju člana Komisije za
provođenje postupka javnih nabavki

I

Razrješava se član Komisije za
provođenje postupka javnih nabavki za
potrebe općine Kalesija:

1. Aščić Halil, zbog razrješenja iz
državne službe.

II

Umjesto člana Komisije iz tačke I
ovog rješenja imenuje se

1. Halilović Osmo.

III

Novoimenovani član Komisije dužan
je čuvati kao poslovnu tajnu, sve podatke i
saznanja koja stekne u radu Komisije, o čemu
je dužan potpisati izjavu o čuvanju službene
tajne (povjerljivosti) u postupku nabavke,
koja je sastavni dio ovog Rješenja, kao i
izjavu o nepristrasnosti u odnosu na
ponuđače, za svaki pojedinačni postupak.

IV

Ovo Rješenje stupa na snagu danom
donošenja i bit će objavljeno u «Službenom
glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKI NAČELNIK
Broj: 02-05-2-2288-4/05
Datum, 23.04.2007. godine

OPĆINSKI NAČELNIK

Rasim Omerović s.r.

S a d r Ź a j

OPĆINSKO VIJEĆE	Strana	OPĆINSKI NAČELNIK	Strana
44. Odluka o dodjeli prostora na korištenje	41	48. Rješenje o razrješenju i imenovanju člana Komisije za provođenje postupka javnih nabavki	47
45. Odluka o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća većih razmjera na području općine Kalesija	41		
46. Odluka o određivanju referenduma za osnivanje nove MZ	46		
47. Odluka o izmjenama i dopunama Poslovnika o radu Općinskog vijeća Kalesija	47		